

D. D.

19.

DISSERTATIO  
HISTORICO-POLITICA

DE

KAKOPOLITEIA

SEU

VITIOSA RE-  
PUBLICA,

*Quam*

Ex auctoritate Ampliss: FAC. PHIL.  
*In*

Florentissima ad Auram Academia,  
DIRIGENTE

*CLARISSIMO VIRO,*

M. DANIELE ACHRELIO,  
Eloq. Professore Ordinario & Regio,

PRO MAGISTERII GRADU

ad solennem literatorum censuram  
desert.

PETRUS EURENIUS, ANGERM.

*In Auditorio Maximo*

Ad diem 17 Maji Anni MDCLXXXVI:

\* \* \* \* \* \* \* \* \* \* \* \* \* \* \* \* \* \* \* \* \*  
Impr. Aboæ, apud Regiæ Univ. Typ.  
JOHANNEM LAURENTIUM WALLIUM.

*Mons. Bill.*

SACRÆ REGIÆ MAJESTATIS  
Fidei Maximæ Viro,  
Cancellariæ Confiliario,  
& ad Aulam Cæsaris Plenipotentario  
*Illusterrimo Excellentissimoq; Domino*  
**DN. GABRIELI**  
**OXENSTIERNA**  
**THURONIS F.**

Comiti de Chroneburg/  
Libero Baroni de Kimitho/  
Domino in Segewald/ Stenstadh/  
Båtma & Hiulestadh.  
DOMINO ET MÆCENATI MEO MAGNO  
**Q. C. S. P.**

ILLUSTRISSIME COMES,  
DOMINE GRATIOSISSIME.



on longa verborum serie  
Virtutum Tuarum ve-  
stigia ambitiosius hic  
persequi studebo, illud  
ut opinor, non falso perswasus, ab illo-  
rum recitandis elogiis, tunc rectius  
cessari, ubi deteri potius, quam brevi-  
bus illustrari, videri possunt. Tam  
felix non pridem fui, ut meritorum  
Tuarum in Rempublicā auritus & o-  
culatus testis essem, quam Regi Cle-  
men-

mentissimo charus, & quam dilectus  
Patriæ charissimæ sis. Inscriptionis i-  
taque hujus rationem dabo, memori-  
am Tuorum & in me beneficiorū ma-  
ximorum gratissimam, qvæ non modo  
mecum tacitè, verum etiam publicè  
venerari volebam; ac Tibi dissertatio-  
nem hanc gradualē censendam subii-  
cio , qui bonorum omnium suffragio  
virgulam hanc censoriam tenes, & non  
tantum Prudentiam Civilem promere  
ac diiudicare, sed alios etiam ad ean-  
dem adspirantes per trita vestigia ceu  
manu ducere potes. Egregios in Histo-  
riarum Veterumque Politiarum cog-  
nitione progressus fecisti, multas longa  
& varia peregrinatione perlustrasti  
Respublicas, & eò processisti in consilio-  
rum tractatione frequenti, ut S.º R.º M.<sup>ii</sup>

Rei-

Reipubl. Svecanæ, & jam aliis profis,  
ac Sapientia Tua velut in illustri posita  
monumento, Nulli non domi foris-  
què cognita sit, atque perspecta. Ea  
proinde, qva par est animi submissio-  
ne rogo, ut chartaceum hoc *μνημόσυνον*  
*vov* mente ferena accipias, & in eo ani-  
mum meum generofis Tuis virtutibus  
devotum agnoscas, benignis oculis Ex-  
ercitium hoc Academicum adspicias, &  
me promotione Tua dignum æstimes  
ulteriori: nam Tuum sic patrocinium  
ætati & studiis suis quærere voluit, qvi  
virtutis fiducia ad spem beatè viven-  
di nititur, seque profitetur.

Illustrissimæ

*Excellentia Tuae*

Cultorem assiduum  
P. E.

Præstantissimo Domino  
PETRO EURENIO,  
Præceptoris suo veteri.

Erat in mundi primordio tantummodo Na-  
turali Libertate septa conditio hominum;  
hac propter quorundam improborum per-  
vicacem malitiam, cum diutino statu non pos-  
set persistere sarta & felix, ad corpus sociale  
constituendum demum consenserat, legibus se  
subiici passa; cuius negotii administrationem  
tunc sub laxiore obsequii specie sibi injunctam  
aliquamdiu sustinuit peculiaris Magistratus,  
donec alia necessitas & ad rectiora suspiciens ju-  
dicium illam meliori jure vindicassent. Post  
adsertam Civitatem pra metu externo invi-  
olata sapius & sanctior hac compages; ost bel-  
li precium cum pax sit: ita eadem redditis,  
multorum male composita ingenia, querendo  
dissolutionem Imperii, pro injuriis nonnunquam  
traducebant Regnantium facta, quæ tales mini-  
me essent; & sane haut paucis hac unica exten-  
bat imago querelarum, quia ipsi non regna-  
rent: quo numero censendus apud Vulcatia-  
num Avidius Cassius, cui ejusmodi armorum  
prætextus: quod Marci Antonini illi disipli-  
ceret imperium, centurus Imperator maxi-  
mum

sum & summum in Republ. non posset ferre  
nomen ; Talis Pescennius Niger adversum  
Septimium Severū ex Æl. Spartiano : item  
Clodius Albinus ex Jul. Capitolino. Securissima  
meo iudicio Petilii Cerialis sentētia apud Tacit.  
*Hist. l. IV.* ad rebelles Treviros: quomodo steri-  
litatem aut nimios imbræ & cetera mala, ita  
luxum & avaritiam dominantium tolerate. Tu  
dum errorem Reipublicæ retegis, arduum te &  
ingens scias moliri opus, quod plenum etiam  
periculose aleæ dixerim; multæ ac varia heic  
miscent Historiographi, nec à Philosophis quid-  
quam suppressum invenio, ubi tamen hincce  
curam in aliquibus tralatitiam fuisse depre-  
bensum est; credo deterrebant illos Imperiorum  
secretæ artes & qua non profunt nisi ignoran-  
tur. Istum vero conatum tuum tanto minus  
nunc improbo, quod senioribus addictus studiis,  
comode recenses adficti Status incommoda, illas-  
que aberrationes, quibus suprema solet sene-  
scere communitalis Lex: est tibi in tam opero-  
so arguento manus instar Historia, ejus si pro-  
be à te evolvantur recessus, non facile adin-  
veniet, quod malignè rationibus eius obuiciat  
litigantium livor. Vale. Taus

Dab. Hol-  
miæ d. 27.  
April. 1686

AXELIUS Örenstierna  
G. F.

Gyros, ac politeumatum recessus  
Arcanos; neq̄ gnavor vetustas  
Rimari potuit, nec inde nostra  
Ætas gnavior invenire plenē  
Vel dum quiverat, hīc negotiosa.  
EURENI, genitalis unde fontis  
Harum profiliant abunde rerum  
Rivi primitus, & suæ scatebræ,  
Monstras, cum vitiosioris omnes  
Exponis solitæ frequentiores  
Larvas, entheus arctiore filo,  
Rerum & quod vitium omne publicarū.  
Qvare aggratulor hisce valde cæptis,  
Pronus comprecor atq̄ fausta cuncta;  
Qvò dissertio docta per virorum  
Laudetur tua & explicetur ora,  
Magmentum capias simul petiti  
In dulci patriâ dehinc honoris.  
Testis certior appreicationis  
Hic est, deniq̄, prosperā salute  
Hinc Te quod rogo, perpetim Va-  
lere!

*Scripsit L. Mg.*

PETRUS LAURBECCHIUS.

Doctissime Dn. CANDIDATE amice singularis.

M  
Ihi intuenti in orbis negotia, actiones Regnum, & Rerum publicarum molimina; varios profecto invenio animorum motus, certamina mentium, & in singulis ferè casibus, immensa fragilitatis humanæ vestigia. Si placet intueri aulam Hebræorum; ut nihil nunc dicam de minoribus consiliis, quæ raro conscientia, rarius ars, sæpè passio, libido, stultiloquia, fremitus & furor gubernant; depræhendes eam multis morbis laboresse, quibus salutari medicina vix mederi potuit prudentium sapientia. Idem in principiis Terrarum populi judiciis languidis, aliarumq; civitatum propemodum omnium Palatiis, licebit observare. Quæ omnia cū alto pectore esset complexus Leo Boreus, ille Aquilæ terror, coram suo Cancellario, hos fatorū lusus, olim deploravit. Inde non mirum Apollinem ex Parnasso, super Europæ crurifragium, lugubres hodie emittere voces, dum clamat; Hispaniā ex nimio partu jacere exanimē; Italiā sub horrido jugo gemere; Angliā internis motibus gravari; Hollandiā ad fortunæ flatus ve!a expandere; Obligare vulnera quæ mutuo inflixere Sveciam & Daniā; Poloniæ statum esse miserabile; Principes Germaniæ concordare ut bufo & mustela; Florere Galliā, bellatricem continuam, inservientem factis basis aliorum commodis, ut sua promoteat. Moscum pacem precari ab Ottoman-

romanno, &c. Itaq; commendandi sunt profsus  
Tui de Republica irregulari doctissimi discur-  
sus, tanto magis, quanto copiosius illustrantur  
immenso exemplorū profluvio : res habent cu-  
riosas, sinceras, non alienas à scopo, nec per-  
crines huc raptas; sed nativo genio accomo-  
datas. Stilus compressus est, gravis, sententio-  
sus, quia alia facie in publicum prodire non de-  
buit matrona tam pia, honesta, casta, veritatis  
germana conservatrix. Quondā INVIDIA, pallio  
scholastico graviter amicta & tot opinionibus  
tumida, loquaci lingva, ut spuriū Ciceronis a-  
gnosceres, claros laceravit ingeniorum fœtus;  
sed nuper ab Adfessoribus Parnassi valde est ca-  
stigata; iussa quippe in conspectum omnium  
exuere togam vulpinam, quia arctior e-  
rat, & rursus induere vestem ursinam quia  
aptissimè conveniebat ejus corpori, hirsuta  
enim cum sic, asylum manet singulare puli-  
cibus : Ipsum vero caput cum esset tuillum  
multumq; haberet de cerebro asini, obtegi non  
potuit hoc tam difformi pileo; qvare pende-  
bantur à collo exuviae cranii ursini, ut tamen  
ursam agnosceres, sicq; tradita in perpetuum  
castiganda Thracibus, uti nunc misera saltandi  
artem addiscit, & durissimis castigatur verbe-  
ribus. Ergo ipsius *invidiae* non amplius ti-  
mendæ sunt minæ; Tu modo in honestis pro-  
positis perge Deo, Regi, patriæ, inservire; Vale.

À Tuo

DAN; ACHRELIO.



## L. B. V.

**V**Tamplissima collustratur scientiæ gloria ac varierate Prudentia Regnatrix, non obscure indigitat Clariss. Hornius in Ulyss. Peregr. Studium sc. Politicum consistere in tribus partibus: *Cognitione Orbis, Hominum, & Casuum sive Eventuum*; hinc una cum amplitudine Intelligentiæ Politicæ displicescit ejusdem ambiguitas & difficultas: huic vero adeo prolixo instituto non parum officit illud ex assertione Taciti IV.  
*A. 33. pauciprudentia honesta ab deterioribus, utilia ab noxiis discernunt, plures aliorum eventis docentur:* sic tamen hic eventus non aliis, nisi qui vel ab Historia, vel ab usu dijudicetur: sed brevior vita est; historia igitur pervolvenda, qvam non solum ut testem temporum & magistrum vitæ, quin potius velut coacervatam ex omni parte sapientiam vel filiis suis impente commendarunt summi Reges. Sic Oven. lib. II. Epigr. 167. *Historias versando peritus id absque periculo,*

A

Quod

Quod docti damnis experiuntur habent.  
 Nec tam multa gravis rerum experien-  
 tia longo, Tempore quam parvo te docet  
*bistoria*. In publicis deliberationibus  
 etiam prudentissimos viros utilitatis spe-  
 cie fascinatos posse errare docet *Cic. Offic.*  
 III. exemplo *Romanorum*: in Corinthi dis-  
 turbatione mox *Atbeniensium*; hi cum stu-  
 derent maximam Græciæ partem comple-  
 Æti maritima sua potentia, *Æginetis* qui  
 classe valebant, pollices præcidere animo  
 agitaverant. Cui Atheniensium ψηφίσ-  
 μα, tradit *Rachelius ad eund. loc.* non  
 dissimilis fuit barbari illius *Regis* postu-  
 latio, qui dexteros Israëlitis oculos vo-  
 lebat erui, ne arcu possent uti; neque sta-  
 tim quod utile est, id licet mihi per vim  
 alteri imponere, facile namque alii sibi  
 in me eandem afferent licentiam, quam  
 ipse in eosdem sumo. Est haud raro Per-  
 sona Civilis pro injuncto munere multi-  
 plici imbuta rerum scientia, evenit ta-  
 men sœpe, ut in omni negotio nesciat se.  
 qui naturæ igniculos, Prudentiæ Duces,  
 quin utilitatis occœcata imagine ad ma-  
 lorum prolabatur consiliorum præcipitia;  
 ceu ad prudentiam parum pertineret ho-  
 nestum respicere. Impudens est quod apud  
*Thucydid.*

Thucydid. lib. 1. jactant Atheniensēs:  
 æquitatem nemo unquam tanti fecit,  
 ut oblatam occasionem aliquid vi conse-  
 quendi, ob eam ē manibus dimitteret.  
 Qui plus equo sibi vult prospicere aut  
 prodeſſe, is injuriam facere dicitur, quia  
 excedit modum, ito quia suum commo-  
 dum cum aliorum gravi injuria querit;  
 prout ex Baldo docet Alberic. Gent. l. m.  
 de J. B. c. 2. Admittimus de facto, quod  
 majoribus est viribus, ad se posse trahe-  
 re quod minus est validum: sed non sem-  
 per jure fieri, ut validior ad se rapiat rem  
 imbecillioris. Idcirco Boni Politici cha-  
 racter, ampla erudito atque subactum in-  
 genium; ex arte enim sedere ad clavum  
 Reipubl: est longè altioris scientiæ, quam  
 quicquid in Scholis & per contemplatio-  
 num anxia diductum acumen deprehendere valet. Moles illa gentium, quæ ad  
 Orientem exciderat sceptro prioribus se-  
 culis, & in præsens usque sub barbarica  
 gemit tyrannide, quam in sui exitium  
 mansit potens, non æstimato rationum  
 pondere, quæ infidam regni societatem &  
 barbarorum auxilia amoliri svalent. Mul-  
 ta primo adspicere levia, inquit Tacit. iv.  
 A. 32. ex quis magnarum super rerum motus

oriuntur. Statius Thebaid. i: Sociis co-  
mes discordia regnis. η εὐλάβεια σώζει  
τάντα: Cautio servat omnia, ut recte pro-  
nunciat Aristophanes Avibus. Nec ditior  
judiciorum officina in vulgo , si con-  
servandi imperii vel constituendi quæsi-  
veris ideas, utpote cui minor sapientia Ex  
mediocritate fortunæ pauciora pericu-  
la. Tacit. XLV. An. 60. & tamen ruinosa valde  
civitatibus fundamenta substernit, qui mo-  
destiæ mortalium nimium tribuit, ac de  
probitate sui animi alios omnes & præci-  
puè fecem vulgi metitur. Regio per tot  
diffusa spatia & tam diversis pulsata flucti-  
bus, quæ de se benè meritum Regem tam  
indigno plecti parricidio passa est, quan-  
tum videbatur pietatis & obsequii trans-  
gressa gloriam. Mirum est, ait Brache-  
lius Epit. Hist. p. m. 94. duravisse horum  
oculos in tam atrocis spectaculi immanita-  
tem , cum omnium nationum etiam maxi-  
mè barbarorum animis indicus sit amor  
in Reges & Principes suos, ac quasi conge-  
nitus, quorū non modo Majestatem inviola-  
bilem, sed etiam opibus & sangvine subdito-  
rum strenue propugnatā omnes omniū gen-  
tium historiæ testantur. Plura ex Introd:  
in Hist. Nob: Dn. Pufendorf. c. IV. Hisce non  
dissi-

dissimiles sermones sub fabuloso qualis  
scheme pandere creditur Poliarchus  
II. Part. Argenid. lib. IV. 15.

### §. II.

Longo ordine percensere Historiarum monumenta ad retegendos imperiorum errores, quos antiqua vel recentior tulit ætas, cum curiosis oculis ultrò se offerant per modernos annales & acta temporum, idcirco operæ pretium non est. Nobis autem, siquidem semel sedit animo, manebit præcipuus labor, explorare inopinatos minusque prævulos populorum casus, statuum decrementa & aberrationes; opinamur ergo nos incedere melius rectè philosophandi via, si succincta, & quam fieri potest perspicua descriptione præmisimus quidditatem  $\tau\eta\varsigma\pi\alpha\kappa\omega\lambda\iota\sigma\epsilon\alpha\varsigma$ : i.e. Reipubl prolapsæ seu aberrantis. Est autem hæc confusio Civitatis, ubi imperantes parentesque posthabita salute publica privatum bonum, cæco quasi impetu, unicè intendunt.

### §. III.

Uerior in allata descriptione verborum antequam facta fuerit expositio, paucis præmonitum volumus de promulgua

vocabulorum usurpatione, imperii & Rei-  
publ. quæ respectu substratæ materiæ nunc  
æquipollentia, nunc distinctè exhibentur.  
Ad curatioribus Politicis utrumquè dici-  
sivevit potestatis exercitium, quam admi-  
nistrant, (summis vocibus imperii & Reip.  
formaliter non materialiter) cui rerum  
summa vel independenter in ordine ad ho-  
mines, vel jure saltem delegatorio com-  
missa est. *Ars est difficilis*, ait Cic. lib.  
VII ad Attic. Rempubl. gerere: quod  
*κερτήσιον* una quadribit in illos, qui præ-  
eminente honorum privilegio, loquendo  
de statu Aristocratico, è subditorum exi-  
muntur, ut olim Consules & Prætores in  
Rep. Romana, numero, & pro Reip. vel  
imperii conservanda incolumentate singu-  
latim & unice salutem publicam respici-  
unt, juvant, ac tuentur. *Quamvis Ma-*  
*gistratum auctoritas in oculos abunde in-*  
*currat, non tamen aliunde administratio*  
*Civitatis*; prout egregiè sentit Bacl.  
Inst. Polit. l. i. c. 6. adeoq; respubl. estimari  
debet, quam à summa Potestate, quam  
*Τύπος* adpallat Philosophus. Circa o-  
mnia corpora legitima observandum, di-  
cit Dn Pufendorf Lib. VII. c. 2. de J. N.  
& G. *Quicquid juris illa habeant, & quic-*  
*quid*

quid potestatis in sua membra, id omne à  
 sua potestate definiri, & nequaquam huic  
 posse prævalere aut opponi. Sic quamvis  
 in aliqua civitate capitalia judicia sint pe-  
 nes Senatum, penes Regem tamen jus,  
 quod vocant, *aggratiandi* manet: mul-  
 tæ actiones aliis committi possunt quoad  
 exercitium, quarum tamen vis & auco-  
 ritas ab illo, in quo radicaliter inhæret.  
 Solet porro imperium pro regimine mili-  
 tari acceptum contradistingvi Magistra-  
 tui: Sic apud Sveton: *in vie. Cæs. c. 54.*  
*abstinentiam neque in imperiis, neque in*  
*Magistratibus præfuit.* Proposito de-  
 niq; haud parum indulget illa Boecl. ex-  
 plicatio *l. m. cit. cui forma civitatis non*  
*alia, quam Rep. ſpecialiter ſic dicta, ſen-*  
*concifius imperium:* ut enim ſalva ac inte-  
 gra reipublicæ forma, (utpote quæ in ci-  
 vitate idem, quod in corpore humano  
 structura & dispositio omnium membro-  
 rum & partium) vigent valentque impe-  
 ria; ita eadem prolabente, quid detri-  
 menti capiant necesse eſt, niſi aptiſſimo  
 remedio periclitanti parti mature ſubve-  
 niatur. Consultum itaque i n præſenti  
 existimamus non recedere à ſententia *Cf.*  
*Job. Andr. Bosii*, designando u traque vo-

ce cætum hominum sive Civitatem, suis  
legibus ac judiciis, jureque belli, pacis,  
fæderum & similibus utentem, nec alteri  
Principi populo sive subjectam; sive ut bre-  
vius dicam, Civitatem Majestate prædi-  
tam. NB. Inscriptio ut breviter de ea me-  
morem, sub titulo καποτολιτείας, cum  
hanc formulam gravissimis Atticæ gentis  
auditoribus placuisse constet, ac de cœtero  
notabilem emphasis sive denotandi vim  
implicit, nullus ambigo, quin nos ab  
ambitioso exolvat novandi pruritu. vid.  
*Lexicon Scapulae in Πόλις & alios.*

#### §. IV.

Confundi civitatem, ac deficere pri-  
scum Reipubl. robur, vix aliunde plus cer-  
nitur, quam convulsis legibus, quibus in-  
nixa stat præcipua Communitalis salus.  
Quemadmodum florentis imperii decor  
& gloria in concinno quodam imperan-  
tium & parentium ordine consistit, ita  
liquet illius diminutionem instare, quoti-  
ens hic senescit. Conceptus igitur com-  
munis sive generis vicem supplere posse  
Confusionem, alia inter evincit eidem ad-  
juncta universalitas, non intra solius Re-  
gni viscera terminabilis, sed & frequentius  
Optimatum Populique accedit imperio:  
possunt

possunt enim utrobique consilia & machinationes extrui infra communem subditorum salutem, dum omisso rerum capite, Civitatem vel libidine vel avaritia in partes abire ac trahi contingat. *Ita nati sunt imperantes*, teste Tacit. IV. A: 8. *ut bona malaque eorum ad Rempubl. pertineant.* Fatendum omnino est incertam admodum esse hominum providentiam, cum vix de ullo eventu certi esse possumus, ac nihil sit tam vanum, tam multiplex, tam instabile, quam homo ipse, circa quem omnis prudentia versatur; itaque in eo maxime elaborandum Principibus, ut media fini aptentur, ne malis eventibus occasionem dent, (*Libanius Progymn: Το περέχον τὴν ἀΦορμὴν, οὐδὲ τὸν ἀνολγθευτὸν κομίζειαι τὸν λόγον: id quod occasionem præbuit consequentium omniū causam habuit*) ut ex præscripto legum & rationis quantum humanæ res permittunt, agant: hanc viam qui insticerit, & prudenter aget, & constanter, & moderatè; ille contrà prudens non habendus, qui casu quodam & temere scopum adtingit. *Ingenii magni est ait Cic. præcipere cogitatione futura, & aliquando ante constitvere, quid accidere possit in utramque partem, & quid*

agendum sit cū quid evenerit, nec committere ut aliquando dicendum sit: Non putaram. Reete quoque Isocrat. ad Nicolem: Constat, quemadmodum ipsi Reges animos suos excoluerunt, ita etiam eorum regna se habitura. Quare nulli pugilatum convenit corpus exercere, quam Regibus ingenium suum.

§. V.

Civile imperium ab herili eatenus disjunctum invenimus, quod Paterfamilias in studia propriæ utilitatis primariò incubat, servi vero res non nisi per accidens curet. Contramoderator Reipubl. primò & præcipui sui muneric id dicit, quam saluberrima ratione salutem publicam augere, ex consequenti autem occupatum esse in adserenda re familiari; ut ut in Regibus electis sæpius sumæ rei administratiōnem aliter de facto suscipi compertum sit. vid. Barcl Argent. p. m. 93. Præclare Xenophon lib. iii. de dict. Socratis: Ο βασιλεὺς, inquit, αἴρεται, μὴ ἵνα εἰσῆγεται εἰπεῖν τοι, ἀλλ' ἵνα καὶ οἱ ἐλόμενοι Δῆμοι τὸν εὐτερόγενον i. e. Rex eliguntur, non ut sese molliter curet, sed ut per ipsum ii qui legerunt, bene beateque vivant.

vane. Contra ea naviter à *Vespafiano* Cæsare transactum reperimus, utpote qui per totum imperii tempus nihil habuit antequis, quam prope adflectam nutantemque Rempubl. stabilire primò, deinde & ornare. Vid. *Sueton. Vespas.* c. viii. Hinc ejusmodi resultat differentiæ ratio, haud immatura vel levia ibidem conspici indica ψευδαρχίας, ubi dispendio publicæ salutis ab imperantibus prætenditur commodum proprium. *Andr. Maurocenus Hist. Venet. lib. V.* dum quisque suis rebus consulit, commune bonum negligitur: quippe illud ingeneratum mēntibus mortaliū, ne ad novarum rerum molimina rapiantur, & inconsultæ temeritatis æstus, nisi aliquam exinde spectaverint sibi denuò profuturam utilitatem. Regnandi libido inextingibilis in quæ convicia non rapitur, cum omnium semen sit & causa malorum? Nec illorum audacia minus infamis, qui noxia fame insurgunt in Reipubl. mala; heic tamen promiscue multitudo, quid imponere velle, non convenit, quod & sit res ferme præter exemplum, nec in absentia *Demagogorum* hanc tantis aufibus satis idoneam facile præsumitur; equidem ea est apud plurimos per-

veritas

versitas, ut quotiens majus bonum sibi  
videtur profecturum à violatione legum,  
quam ab earundem observatione, volentes  
easdem violent; contingunt itaque dis-  
sensiones ejusmodi & discordiae, non pro-  
pter dogmatis alicujus principia sanæ Poli-  
ticæ convellentis falsitatem, seu quod con-  
trario ejus intermissio tanta incommoda in  
Civitatem sint redundatura; sed propter  
ingenium hominum qui sapientes sibi visi,  
idem videri volunt aliis, & in dissentientes  
vehementissime exasperantur. Sic Zan-  
obius in Notis ad Sallust. Quemadmo-  
dum usu venire solet, ut quicquid humo-  
ris corrupto in corpore sit, id totum uleus  
ad se trahat, quicquid aquæ in navi est,  
id ad sentinam confuat: ita in Civitate  
quotquot improbi sunt, ad aliquem unum  
improbitate insignem concurrunt.

## §. VI.

Modo memoratus Xenophō in Cyropæd.  
I I. ὑπερμέγεθες ἐργον, Τυαλῶς ἀρχὺ,  
ingens opus bene præesse: hinc desumptum  
adparet illud Liv lib. II. c. 43. adeo excel-  
lentibus ingenis citius defuerit ars, qua  
civem regant, quam qua hostem superent.  
Causa hac est, ait Nazianzenus in Apologetico: Homo certe inter omnes ani-

mantes maxime & moribus variis & voluntate diversis. Accedit & hoc, quod in celeberrimo opere de J. N. & G. Lib. VII. c. i. tradit Dn Pufendorf. quod in quovis genere brutorum inclinationum & appetitus fere est similitudo, ast inter homines quot capita, et sensus, & in plerisque magna pervicacia studium suum extollendi, quod vel solum suffitere potest ad perturbandam hominum multitudinem, qua in unum cætum est jungenda. Add. Eurypid. Phæniss. v 502. Veruntamen hoc quicquid est difficultatis, non alia te melius superari certum est, quam acerrimo illo imperandi telo auctoritatis. Singulare Numinis beneficio politiores Respubl. sibi indultum insuper habent, ut in sua conservationem illic potissimum vivant duo hominum genera, quorum alterum benefactorum, alterum dicendi excellat gloria. Lips. Polit. III. in vim & virtutem tribuit: hoc vel veteres inter haud neglexit Sallust. Bell. Cat. c 3. Pulchrum est benefacere Respubl. etiam benedicere haud absurdum. Olim Græcorum atque Latinorum Principes sub optimis & clarissimis præceptoribus instituti fuerunt. Iov. Pontan. lib. V. de Obed. p. 45. Nam Respubl.

Respubl. literis & armis regitur & conservatur. Utique virtus dum incorrupto tenore circumscribitur; illa stat *Respublica opibus firma, copiis locuples, gloria ampla, virtute honesta*, ut scitè *Plato I. 1. de Republ.* ut vero extra legem exerrat, quod praetextu boni publici ut maxime instituitur, in clades, noxias declinationes & decrementa eandem tristi exemplo incurere nunquam non comprehensum fuit. Unde Mitylenenses cum imperium maris tenerent, sociis, qui desciscabant, hanc pænam imposuerunt, ut liberos suos non docerent literas neque Musicam, omnium suppliciorum hoc gravissimum judicantes, in inscitia & ignorantia artium liberalium vitam transfigere. *Elian. V. H. I. VII. c. 15.* Nostrum vero cum nunc non sit, omnes enumerare omnium Principatum defectus & vitia, quod nullatenus, nisi prolixo fandi adparatu expediti potest, in praesenti ex unius alteriusve pictura plurimorum effingemus imagines.

### §. VII.

Sicut Natura hominis, cor & voluntas est variabilis; Ita ipsæ quoque virtutes in naturis hominum etiam heroicis non semper sunt stabiles & diurnæ; sed sœpè in virtutia

vitia horribiliter degenerat. *Sueton. Claud.*  
 c. 15. In cognoscendo ac decernendo mira varie-  
 tate animi fuit, modo circumspectus & sagax,  
 modo inconsultus ac præceps: nonnunquam  
 frivulus amentique similis. Ejusmodi in-  
 genia frequentius sua mole pervertit nimia  
 fortunæ confidentia, qua secundante mor-  
 tales inconsideratores sunt. ut loquitur  
*C. Nepos in Vit. Conon. c. ult. Plin. Paneg.*  
*Trajan. secunda felices, adversa magnos*  
*probant.* Cyrus instaurator Monarchiæ  
 Persicæ, cum aliquamdiu multa rei bel-  
 licæ inclatuisset fatua atque fortuna, ta-  
 men novissimè spreto Cræsi consilio, qui  
 rebus humanis docuit cursum instat cir-  
 cini esse, qui rotatus semper eosdem for-  
 tunatos esse non sinit, in expeditione  
 adversus Massagetas, ipse una cum coto  
 exercitu ex ducentis millibus Persarum  
 cōstante misere trucidatus, adeo ut ne tan-  
 tæ quidem cladis nuncius superfuerit, sic-  
 ut fuse narrat *Herodot. Clio:* atque sic ve-  
 re dictum à *Seneca in Thyestæ* adverti-  
 mus: *Quem dies vidit veniens superbum,*  
*Hunc dies vidit fugiens jacentem, Nemo*  
*confidat nimium secundis.* Huc quoque  
 adjungatur *Pachymer. Hist. Byzant.* II. 27.  
 Τὸ εἰμαρμένον ὥσπερ ἐμψύχοις, οἵτω καὶ

τόλεστιν ἄφυγον: Fatum ut animantibus;  
 ita etiam Civitatibus inevitabile. Hinc  
 non incommodè quæri potest: An Fortu-  
 na ad conversiones Imperiorum quid confe-  
 rat? Fortuna nobis heic erit ex dicto  
 Boecl. V. Inst. Polit. 2. Divinæ providentia  
 circa respublicas cura & dispositio. Quem-  
 admodum gentium & familiarum; Sic  
 urbium imperiorumq; nunc floret fortuna,  
 nunc senescit, nunc interit. Vell. Paterc.  
 Lib. II. c. 11. Rejicimus hoc loco Stoicum  
 sive Chaldaicum fatum, ut & supersticio-  
 nis Astrologicæ opiniones Ptolemæi Gau-  
 rici, Leovitii & aliorum, qui ex astrorum  
 motu, siderum conversione planetarumq;  
 inter se adspectu ruinam Rerum publ. meti-  
 untur. vid. Jer. 10, 2. D. Müllers Herzen  
 Spiegel. p. 262. Die Heyden sagen: Das  
 Glück spielt mit dem Menschen/ aber das  
 Glück thut's nicht/ sondern die Weisheit Got-  
 tes. His præsuppositis, neutquam quæq;  
 suum sic ordinem immutabili lege percur-  
 rere dixerim, quin simul provida Dei Al-  
 tillimi cura libere respiciat ad regnantium  
 bonas vel malas actiones, etiam illorum  
 qui his subsunt; piaculum insuper esset my-  
 sticam illam æternæ mentis legem tam du-  
 ro nodo velle constringere, ut posthabita  
 rerum

ferum mundanarum conditione, tantæ vastitatis regna atque respubl. suo dejicentur fastigio: hic autem ordo quod statis vicibus non redeat, nuncque citius, nunquam post aliquam seculorum seriem dissolvatur, quis tum ignorat hæc divinitus obtinere? Deus est qui constituit periodos, qui adjicit annos ad resipiscendum, aut adimit propter peccata nefanda, quæ causæ harum periodorum. Ita R̄ugnoti, ex Arachombroto & Cyrihæ ap. 214. Juppiter cum rebus initium & naturæ leges daret, cum seriem rerum, causasq; & eventus inter se converteret, non ignoravit, quid essent mortales peccaturi, & quid sua iidem in Deos pietate merituri. Mortalium igitur pietate, religione, & equitate mitescunt decreta, quorum eventum jam olim sapientissimum numen prænoverat. De ctiosis Astrologorum aliquot præsagiis quid tenendum ultra, vide quæ apud Meleandrum Siculo-rum Regem sub persona Nicopompi disserit eruditè elegantissimus scriptor Joh. Barcl. Argen. l. II. c. 11. Cordate Euripid. Helena: γνώμη δ' ἀργεῖν μάνις οὐτ' εὐθύλια: Optimus vates prudentia & bona consultatio.

In recensendis illis, quæ ab extra & fortuitis casibus Rempubl. infirmare solent, tanto minus è re duxerim, quanto hæc melius simplici narratione, quam anxiè disceptando innotescant; explicanda igitur in posterum natura illorum, quæ ab intra vitiis imperantium vel populi Rempublicam in avia errorum abducere valent. Heic juxta Boecl. arbitrium *V, Inst. Polit. c. 4.* talis substitui potest regula: Sicut omnes virtutes, una tamen potius quam alia conservant, firmant, amplificantque Civitatem; ita omnia vitia, unum altero magis efficiunt contrarium. Variant denique aberrationes pro Reipubl. speciebus, prout Monarchia aut Status Polyarchicus emineat. Vitia porro aliter distingvuntur in Summa Potestate, aliter in illis, qui hujus obsequio tenentur. Quantum ad præsens, præcipuus erit labor, compendioso stylo repeteret mutationes, quibus aut disciplina, sive ordo beni regiminis hebescit, vel deliquiis inopiaque actionum intervertitur ac demum planè exspirat.

Tiberus Cæsar cum à senatu juberetur succe-

succedere in ḡtis Romanæ imperium, brevitate imperatoria respōdit: *Principes mortales Rēpublicam æternam esse.* Hoc ideo dicitur, ait Dn. Pufend. de j. N. & G. l. VIII. c. ult. non quod non populi quoq; violento aliquo casu extingvi aut dissipari queant; Sed quia non uiri singuli homines certo decurso ævi spatioper naturam deficiant; sed mutatis licet singulis, alij cōtinuò succedāt, idq; vel surrogatione exterorum in locum deficientium, vel propagatione sibolis. Quia successionis continuatione idem semper populus videtur, iisdemque juribus fruitur, utut s̄epius singuli cives fuerint mutati. Hæc ille. Confer. Athl. Polit. Heßenthal, p. 155. Proinde gravissimo hocce dictorio ostenditur quam sollicitè, quam integrum prudentiæ in illis exigatur robur, qui publicæ rerum admoveuntur administrationi. Propria virtus Principibus Prudentia; est hæc illis fax prælucens inter civilis vitæ hujus syrtes, qua extinta collabascit omnis imperii vigor Ecclesiast. c. ix. 18. Hujus non secus ac Philosophiæ Moralis tres vulgo adferuntur species: Privata, qua quisque suos mores modetatur, quacunque sit conditione, sive alios regat, sive sibi ipsi tantum provideat: Se-

cunda Oeconomica, quā quis familiæ curam agit: ac demum Politica, sive ea subditis, ut subsunt legibus, sive iis insit, qui curam habent Civitatis, sive ea sit præcipua qualis est in legislatore, sive in ipsis rectoribus spectetur, quatenus juxta legum præscripta Civitatem moderantur, seu denique Togata sit, seu Militaris. Prudenteriam heic loci duntaxat Politicam adtingimus, spectaturi quantum defectus hujus ipsis imperantibus, quive iis à consiliis vel obsequio sunt, in promovendis studiis boni publici officiat: Solertissimo namque genio opus est, ne sapientia abutamur ad effrænem morum licentiam.

### §. X.

Potest hujusmodi Imprudentia vel *Natura*, vel *Morum* esse. Prior illa non tam odium quam contemptum inducere solet; utpote cum illi qui præsunt, minus capaces imperii deprehenduntur: qualis est character ille *Britomandis* apud *Barcl.l.IV.c.9.* quam etiam nonnulli debilitatem Naturæ apud *Constantem* fuisse arbitrantur. Non nullis namque hebetius ingenium, quod magis extra vitia quam cum virtutibus, timida stupiditas, dejectus animus, & alia multa, quæ in egenarum mentium sterilitate

tate contemnere solemus : mox posito in illis pectoribus quiescere vel tantillum beneficii, pro naturæ nunquam non suas explicantis vires industria, illud tum potius umbratili vita intra meras speculationes pallescere sinunt, quam ut præclaris auctoribus , quid in commune sustineant transferre , non dissimiles *Aquilio Merganie*, cuius laboratoria Alchymistica salse deridet *Euphormio Satyr. Part. II. 28.* Plutarch. de educat. Libr. ὁ Θεωρητικὸς τοῦ πρακτικὸς Διδυμαρτάνων ἀνωφελῆς , ὁ δὲ πρακτικὸς ἀμοιρήσως Φιλοσοφίας ἄμεσος καὶ τολμημελῆς: Contemplator si actionibus abstineat inutilis, rebus gerendis deditus, Philosophia ignorans facile errat. Quandoquidem ut recte judicat Theander ex Archibombrot. & Cyrth. p. 248. nemo cibilibus negotiis par esse potest, nisi qui in ipsis naturæ divitiis conceptus sit. Quam multi enim in umbris scholarum, & in necio quibus argutiis, inanis ac superflui acuminis ad laudem perveniunt, quorum ingentia in cæteris caligant. Causam contemptus ex imprudentia Naturali, ut omnium latissimè patet ostendit Georg. Horn. in Annot ad Ideam Polit. Burgersd. adeo

ut de paucissimis legamus, quibus eapropter non abjecta & vilis manserit opinio, quæ exurgere potest à quovis vel levissimo vitio, ac sè penumero tali, cuius ne ipsi quidem imperantes per se compotes esse possunt. Sic Alexander M. apud *Curtium* I. VI. 9. queritur orbitatem suam esse contemptui. Quocirca Augustus plures sibi adoptavit in filios, ut nimirum munimentis insisteret. *Tacit.* I. A. c. 3. Exempla illorum, qui ad Civitatis negotia vel dijudicanda vel tractanda cœcutiunt, tam antiqua quam recentia indigitat *Bæc!* *Inst. Polit.* I. V. c. 4.

### §. XI.

Imprudentia quæ ratione Morum spectatur, oritur vel ex *imperitia Status*, vel ex *imperitia Actionis*. Heic probe notanda verissima illa distinctio inter *Status*, & *modum gubernandi Status*, seu ut *Nobil.* & *Consultiss.* *Dn. Gyllenstolpe/Pol.* *Disp.* II. inter *Reipublicæ formam* & *Administratio-*  
*nis modum*. *Status* hic sumitur ut est *formale imperii*, atque sic denotat vel *abstra-*  
*ctè* vel *precisè* ipsam formam *Reipubl.* vel  
*concretè* involvit exercitium ejus & admini-  
strationem alterius formæ includit, quæ  
duo à nobis nunc distincte exhibenda.

*Impe-*

*Imperitia Status* sic intelligi debet, in quantum illi, qui vel regendæ vel curandæ civitati imponuntur, ignari sunt juriū Regni, præsertim qua penitiorem adcuratoremque eorundem intellectum, quo intermisso nihil in publicis recte geri potest. Princeps licet sit solutus legibus, nihilominus leges debent esse norma Principi, secundum quam subditos regat. Salutaris & pia est *Eva*grii admonitio *Histor. Eccl.* l. 3. Imperatorem non ex eo, quod a liis imperat, spectari debere, sed ex eo quod se ipsum ita regere & moderari possit, ut nullum absurdum voluptatis genus sinat in animum irreperere; sed ita invictum se ab intemperantia praeflet, ut vita ejus sit tanquam *imago virtutis*, quam & imitantur subditi, & ad virtutem erudiantur. Aristot. Pol. l. I.c. 2. ὥστερ τελεωθὲν Βέλτισον τῶν ζώων ἀνθρωπός εἶν, γάτω καὶ χωρισθὲν νόμος μηδίκης χειρίσον πάντων: Uti perfectione suscepta, optimum cunctorum animalium est homo; ita si alienus fit a lege & iudiciis, pessimum est omnium animalium: heic tamen omnino inspice quæ habet Dn. Pufendorf. de I. N. & G. l. VII. 6. in dist. Imperii in absolutum & limitatum, item in absolutum & summum:

Add. D. Christ. Matth. Theatr. Histor. in  
*Antonio Caracalla.* p. m. 593. a. Hac im-  
peritiæ macula Status sc. Cl. Bæcl. loc. m.  
cit. Appios plerosque, quales à Livio de-  
scribuntur, infectos fuisse existimat. Qui  
putat, inquit, hos satis intellexisse vel Ari-  
stocraticas vel mixtæ ex Aristocracia &  
Democratia Reip. rationes? vid. Machiavell.  
l. i. de Republ. in cap. 40. de Decem virar-  
tu. De Galba memorat Tacit. l. Hist. O-  
mnium consensu capax imperii, nisi impe-  
rasset. & mox: non contior illi apud  
Senatum quam militem omatio. Nervam  
denique non sibi habuisse perspectum, quid  
esset regnare, non absurde opinantur qui  
dicunt. Praeclare Cicero de Orat. ad con-  
silium de republ. dandum, capue est nosse  
rempubl. quod in hunc modum explicat  
Soranus in Lexic. p. m. 443. Sol man  
Land und Leute was Gutes rathen/ so ist das  
Fürnemste darzu/di man umb alle ihre gele-  
genheit wize. Hinc non multum discre-  
pant Sallustii Vibii verba, monentis Livi-  
am, ne Tiberius vim principaeus dissolve-  
ret, curata ad Senatum vocando, eam con-  
ditione esse imperandi, ut non aliter ratio  
constet, quam si uni reddatur Tacit. l. A. b.  
cujus effati qualis haberi mereatur ratio,  
pulchre

pulehre docet Forstnerus in Not. Polit. ad eundem. p. 35. Perire scil. suam Principi-  
pi Majestatem, resolvi Principatus vim,  
si factorum rationem reddere cogatur.  
Communi vero doctorum consentu illud  
usquequaque elaboratum nondum satis  
dispicimus, quo suum instruit Principem  
Machiavell. c. xxiii. Recta consilia à quo-  
cunque profiscantur, à Principis pruden-  
tia, non autem Principis prudentia à re-  
bus consiliis derivetur; certe eo ipso nimis  
angustè habitarent Reges, & Princeps, si  
ingenitæ relinqvatur imperitiæ, vix ul-  
lum est pejus in Republ. malum: de cœte-  
ro non impugnamus axiomatis certitudi-  
nem: *Quod Principi qui per se non sapit,*  
*recta ei consilia non facile dari posse.* De-  
nique rebus cunctis orbis quidam veluti  
inest, ac difficilimè eò recidunt, unde ini-  
tio digressæ. Lactane. Inst. Divin. l. VII.  
Propinquante bujus seculi termino, hu-  
manarum rerum statum commutari neces-  
se est, & in deterius invalescente nequitia  
prolabi, ut in nostra hæc tempora, quibus  
iniquitas & malitia ad summum usq; gra-  
dum crevit, in illius tamen insanabilis ma-  
li (utpote quod in futurum & post illa  
tempora insurget) comparatione feliciæ

*& prope aurea possunt judicari.* Quid itaque mirum, si Civitatum formæ eodem semper gradu, iisdem semper momentis pensandæ ac æstimandæ non veniant. Exemplum in multis non infimum Imperium Romano-Germanicum: quis enim ignorat, quantum vel illius Reipubl. vis labefactata est post divisionem Monarchiæ, ac subinde multo remissius factum post Constitutiones A. B. à Carolo IV. temere & ad conciliandam nato potentiam introducas. Sic adfecta negotiorum serie, quam non difficulter summa rei in discrimen adducitur, si quorum interest in Statu ipso recte dijudicandi peritia destituantur, quem præsentissimo antidoto comprimitur, quod alias Societatem Civilem haud indubiis malis multaret: Huic tamen levandæ inopiae, haud parum conducit legille toga & bello redditas imperii vices, quibus scil. consiliis Respubl. heic & nunc ut maximè steterit. Elucet n. interdum singularis quædam ratio, cur immutato nonnihil ordine, antiquata denuo repeti mereantur. Quocirca non absq; ingenio censemus illud *Vespasiani* institutum, qui undiq; investigatis exemplaribus, instrumentum imperii pulcherrimum

ac pe-

ac vetustissimum confecit: quo continebantur pene ab exordio Urbis Senatus consulta, plebiscita de societate, & fædere ac privilegio cuiuscunque concessis: Sueton. Vespas. c. viii. Sic Augustus ex Tacit. IV. A. 16. quedam ex horrida illa antiquitate ad presentem usum flexisse dicitur: Hinc emanat, quod saepe non minus recentes Civitates commode possint disponi, quam veteres, imo fortasse commodius, quod harum bona instituta ex periculis saepe experimentis proveniant; illas autem optima quæque ab aliis jam inventa in usus suos posse transferre. Nec ratione destitui existimandum, quod in Ferdinandi Arragonio notat Laurent. Valla. de reb. gest. illius Regis l. III. In patrimonio regali tuendo tenax: quod qui alienarent, ajebat inimicos potius parare sibi, quam amicos, quia ex subditis illos quosdam regulos facerent, semper sollicitos ac suspicantes eorum jura licentiamq[ue] iri diminutum: Interjecta nunc longiori mora salutarem aliquam circa hæc tentare aleam, tanto minus placet, quod repentina solertia nunquam non periculis motibus obnoxia esse soleat, ac ægrum dum Civitatis morbos, qui consilio egent ac tem-

ac tempore, cunctos curare adgreditur; incurrire, ut sit, in odia multorum; læpe quod antehac usurpacio, factio aut consumacia erat, denique *jus* aut *privilegium* audit.

### § XII.

Nunc de *Imprudentia circa modum administrandi Statum*, seu quæ ad actionem refertur: Solet illud per Consiliarios expediri, eò quod Summa Potestas haud paucaria magistratum ope administret; cum nec Princeps præsertim in gravioribus sine consilio quid solus expediat, plus namque vident oculi, quam oculus, nec in imperandi ratione unum aliquem cuncta sua scientia complecti possibile foret, in quam sententiam neminem Politicorum transire memini, quin in levamentum curarum administratos adoptari summopere suadeant. Nam vix unquam ait Petr. **Gregor. Tholos.** l. XXIII. c. 4 reperire licuit Rempubl. aut Regnum sine consilio florrens; decere certè Principem heroica sapientia & consilio valere, ipsi tamen religiose cavendum, ne opinione privatæ sapientiae sibi impensis placeat, & adspernetur alienam. Recte **Cominæus** c. 44. Princeps facile exercitur, qui nullo misso suo

suo ipsius uitetur consilio, & apud Capito-  
 lin. §. 2. in Epistola Gordiani III. ad so-  
 cerum Misitheum: miser est Imperator cui  
 vera reticentur; unde, patet, quod fide-  
 lia consilia sint instar nervorum corpo-  
 ris politici: etsi damnosa sit arcanorum  
 notitia, si divulgetur, carere tamen ea ne-  
 que debent neque possunt, qui ad clavum  
 sedent Reipubl., heic solum observasse  
 conducit, quod prælustri quodam em-  
 blème expressit Gelanorus. II. Part. Ar-  
 gen. lib. I. c. 10. Veteres Minotauri signo  
 in legionibus usisunt, ut quemadmodum  
 in latebris abditus erat Minotaurus; ita  
 Duci consilium semper esset occultum.  
 Actionis autem, cuius jam fit mentio, er-  
 tor inde profluit, si illi quibus Civilium  
 rerum tractatio incumbit, in his obeundis  
 communi dexteritate vacent, vel alias non  
 gaudeant promptitudine seu solerti acumi-  
 ne excutiendi actionum recessus & ponde-  
 rata vel in totum, vel qua partem, vel de-  
 nique nesciant moderamine ac tempera-  
 mento uti, scilicet ex usu præsenti ac natura  
 rei actionum vim aut intendere aut re-  
 mitttere plane non compositi & adcom-  
 modato animo ad Civilis vitæ astus. vid.  
 Joh. Barcl. i. Argen. de summa indolis viris.

Cœte-

Cœterum temporibus quomodo sapi-  
enter utendum, eleganter exponit Case-  
lius *περὶ πολιτικής*. c. 4. ubi discursui suo  
duo subjungit exempla prisca, *Ulyssis* &  
*Theramenis*: cui unum addam ex *Histor.*  
*Gallic.* *Gramondi Lib. II.* de *Buraldo*  
*Galliae Cancellario*: Ei inquit, pro tem-  
pore indoles mansveta, mox ferox, mens à  
longinquo prævidens casus & providens ca-  
sibus, clam magis, quam aperto Marte, aſſu  
& arte magis quam vi, natura in utramq;  
partem declivi, quæ vitæ ratio optima in  
aulis Regum, ubi receptissimum dogma  
est servire tempori: hoc autem sophi-  
ſma quomodo politicum audiat, distincte  
exprimit *D. Loccenius in Not. Polit. ad*  
*Corn. Nepot. p. m 54.* Cui applicare licet  
exemplum *Francisci Soderini Cardinalis*  
apud *Clapmar. lib. I. de arcana Rerum*  
*publ.* Nam ſæpe honestas rerum causas  
ni judicium adhibeas, pernicioſi exitus  
consequuntur; monet *Otho apud Tacit. I.*  
*Hift. 83.* Evidem cernimus contra quam  
*Hobbes Leviath. c. 13.* statuit, unum al-  
tero consequentias rerum adcuratius pro-  
ſpicere, & dexterius prius observata ad-  
plicare, casuumque ſimilitudinem & diſ-  
ſimilitudinem perspicere. Unde ſæpæ ex  
illis

illis qui iisdem negotiis æquali tempore  
occupati fuerint, aliis dexteritate emi-  
net, alterius stuporem usus commendat.  
Insignis est locus *Sallust.* ad *Cesarem.* O-  
mt. II. *Ego ita compres omnia regna, ci-  
vitates, nationes usque eò prosperum ha-  
buisse imperium, dum apud eos vera con-  
silia valuerint.* Ubiunque gratia, ti-  
morum, voluptas ea corrupere; post paulo  
imminutæ opes, deinde adem tum imperium,  
postremo servitus imposita est. Ast ut in  
usum Communitatis conveniens quid re-  
ctæ administrationi agere vel consulere,  
haud immerito maxima censetur virtus;  
ita barbaræ inhumanitatis lex diceretur,  
à regia tam egregias velle arcere Consili-  
ariorum dotes. Sic *Oven.* l. II. Epigr. 166.  
*Rex regnat solus, cur non regit omnia so-  
lus? Qui regit & regitur melius illeredit.*

### §. XIII.

Memoratus ante multis in locis rerum Ro-  
manarum gravissim⁹ Scriptor, Civilis pru-  
dentiae Magister *C. Cornelius Tacitus in vit.*  
*J. Agricola* alia inter *Galgacum Britan-*  
*norom Duce⁹* in hæc verba loquentem in-  
troduceit: *Inter male parentes & injuste*  
*imperantes & gra municipia & discordan-*  
*tia: indicatum modo fuit, quam multi-*  
*plici*

plici ratione imprudentia regentium pēccatur, cui in enumeratione vitiōrum Principatus subnectimus *Injustitiam*. *Justitia stabilitur Principatus, si nempe magistratus in se, in que aliis aequitatem servet Lips. II. Polit. 10.* qua remora, regnā nibil aliud sunt, quam magna latrocinia *Augustin. IV. de Civit. Dei.* juxta illud *Sap. 6. 1.* Drātwūſa gōr all land ḥde. huic non ab similia apud *Schonborn. Lib. II. Polit. 20.* Conspicitur præcipue hæc *injustitia* in violatione rerum, quæ ex bona fide sunt; fracta fide miscentur utraq; iura, invaleſcit seditio & omne flagitium in propatulo, quo vel validissima imperii robora concidunt: Emblema *Neronis* erat: *Ferrum tuetur Principem;* verum recte ei respondit *Seneca:* *sed melius fides.* Nomen bonæ fidei juxta *Scævolam,* teste *Cit. Off. III.* omnium latissime manat, idq; existimat versari in *tutelis, societatibus, judiciis, mandatis, rebus emtis, venditis, conductis, locatis, quibus vitæ societas continetur.* Ubi tamen juxta *Rachel. Commentar.* non eo sensu hi contractus bona fidei dici consueverunt, ac si reliqui posse sunt esse sine bona fide: Sed quod in hiæ eximiè conspicua debet esse bona fides, vimq;

q̄mque suam latius explicare. Est fidei flu-  
xæ character in Imperantibus tam malitio-  
sus; ut sæpius eapropter multos in tyranni-  
dem prolapsos creditum sit. Qvia non so-  
lum ut eruditè profert Dn. Pufendorf. IV.  
de J. N. & G. cap. 2. Principum quam ma-  
xime interest, fidem sacrosanctam haberis;  
sed etiam quia Majestatem eorum dede-  
cet, si vel suspicio perfidiae aut mendacii  
fraudisve in ipsos cadere videatur. Sic  
Thucydides lib. VI: hoc est Tymannorum  
proprium (nempe foedifragum esse) qui  
magis estimant utilitatem, quam pietat-  
rem & honestatem, omnes namq; illis ami-  
ci atque hostes sunt pro temporum oppor-  
tunitate Ita Pericles juramento in colu-  
mitatem promiserat hostibus, qui ferrum  
depositissent, quod cum illi fecerunt, inter-  
fecit omnes, quotquot ferreas in sagulis fi-  
bulas habuerunt. Frontin. Lib. IV. 7.  
tantæ foeditatis documenta alia in Anto-  
nio Caracalla aduersum Parthos, item So-  
lymanni Turcarum Imperatoris in Ha-  
braynum. vid. D. Christ. Matth. Theatr.  
Hist. p. m. 54. Contra fides est virtus vè-  
rè regia, omnium virtutum in Rege maxi-  
ma & splendidissima. Hinc rectè Fran-  
cis. Patrit. l. VIII. de Regno tit. 20. p. 558.

inquit, *Fides tanto splendore præfulget,*  
 ut sine ea omnes Regum ac Principum vir-  
 tutes obscuriores fiant. Elegantí exem-  
 plo, illud ipsum ibidem declarat de *Sexto*  
 „ *Pompejo: Cœnantibus inquit, in navi ad*  
 „ *Puteolos Antonio & Augusto apud Sex-*  
 „ *tum Pompejum Pompeii M. filium, qui*  
 „ *tunc conciliati societatem iniverant. Me-*  
 „ *nodorus Pompejanæ classi Præfectus per*  
 „ *internuntium Pompejo significavit, nunc*  
 „ *tempestivum esse Parentis ac Fratris inju-*  
 „ *rias ulcisci: quod si occasionem sumere vel-*  
 „ *let, se operam daturum, ut è navibus e-*  
 „ *vadat nemo. Cui Pompejus: referte in-*  
 „ *quit, Menodoro, ei id sine me facere licere,*  
 „ *qui jam pejerare consuevit, mihi autem ne-*  
 „ *fas esse, qui fidem fallere nescio. Quæ*  
 „ *quidem vox & decora fuit, & Pompeii M.*  
 „ *filio digna. Euripid. Heraclid. οὐ γὰρ οὐδὲν*  
 „ *δές εἴπει Τίτος γερμανίος σόφια: Oportet gei-*  
 „ *nerosis verax os esse; Sc. quia nemini re-*  
 „ *ligiosius, quod juraverit custodiendum,*  
 „ *quam cuius maxime interest non pejera-*  
 „ *ri. Plin. panegyr. Hoc etiam probe*  
 „ *intellexit laudatissimus Germanorum Cæ-*  
 „ *sar Carolus V. cuius hæc extant verba,*  
 „ *referente Zenocario in vita ejus: fidem re-*  
 „ *rum promissarum, etiam si toto mundo ex-*  
     „ *ulet.*

ulet apud Imperatorem consistere debe-  
re. Add. Cornel. Nepos in vit. Attic. c. 15.  
Hinc collectu facile est, actionem plane in-  
dignam existere, si cui adserendæ Justitiæ  
quis est constitutus, eam ipse ultrò pro-  
culceret.

### §. XIV.

Quousque *Injustitia* per errorum an-  
fractus in universum Reipubl. corpus sese  
diffundat, nimis operosum foret pervesti-  
gare, restringimus nos illa intra particu-  
lam aliquam *Jurium Majestatis*, posito  
statu controversiæ: Num in administran-  
do imperio circa tributorum exactionem  
illus sit iniquitati locus? Sit in multis  
omnium exempli instar, quod in varios u-  
sus pendi solet Principibus. Reperimus in  
omni fere Historia gratissimam vulgo fu-  
isse *vestigalium tributorum*, remissio-  
nem, adeo ut nonnunquam à *Nerone* du-  
bitatum fuerit, procul dubio spe captandæ  
auræ popularis, an cuncta *vestigalia* o-  
mitti juberet, idque pulcherrimum do-  
num generi mortalium daret, impetum  
eius attinuere Senatores, dissolutionem  
imperii docendo, si fructus quibus Reipubl.  
sustineretur, diminuerentur: & profecto  
verissimum est illud Plini in Paneg. in-

formantis *Tmjanum*, judicium de Imperantibus anteriorum seculorum generose prolatum: neminem adhuc extitisse, cuius virtutes vitiorum confinio non ledentur: fit itaque ut Reges innocentissimum vitæ genus vivendo de suo vctigali omittant, aliudque instituant prædæ proximum: ut eruditè differit in argument. ad C. 18. lib. IV. Argen. Jo. Barcl. p. m. 480. Verum enimvero illud juris haud immerito sibi vindicat Summa potestas, ut Civium bona tributi nomine commodi publiciergò, quantum par est, expendantur: quippe cum tributa intra justum modum imperata, & recte impensa, nihil aliud sint atque merces, quam singuli pendunt *Civitati* pro defensione salutis ac bonorum suorum, ac ad sublevandos, quæ heic requiruntur, sumtus. Concessiōnem immunitatis vctigalium & tributorum quod attinet, intelligenda est de tributis quotidianis & anniversariis; non autem de iis quæ summa & præsens necessitas extra ordinem requirit, & quibus carere non potest Respubl. vid. Orationem Poliarchi oppositam *Hyanisbæ* apud Barcl. lib. cit. item Hobbes de Cive c. 12. §. 9 Nec illud in quæstione insuper habendum

bendum, an in regendo imperio revera sit locus iniquitatibus, quod non inficias imus, & num *deviationibus & obligacionibus*, flagitante sic extraordinaria temporum necessitate, procedere fas habeatur? quo probè æstimato non diffidendum, quin crebro nimis audaces, impudicæ & iniquæ sint querulæ illæ vulgivoces, ob visam illis *tributorum* gravitatem; cum speciose philosophari extra necessitatem constituto nunquam non in proclivi sit. Certe rarissime valet illud *M. Catonis* apud *Liv. lib. XXIV. c. 9.* *Bellum seipsum alet;* imò exacte determinare quantitatem sumtuum tanto difficilius est, quanto major existit ignorantia casuum inopinatorum exurgentium frequentius apud vicinum malum, quam qui justè Rem publ. gerit; ad quod tamen dispellendum pecunia *rerum gerendarum & imperii nervus* nunquam non exigitur. Melius præculdubio olim respondit *Archidamus Spartianus* sociis quærentibus: quanta pecunia ad bellum conficiendum opus esset? *Bellum ordinata non querit.* *Plutarch. a- popht.* quod sic vertit. *Soran. p. m. 335.* Die Untosten des Krieges lassen sich nicht aus rechnen noch überschlagen. Add. *Tacit. IV.*

*Hist. 34.* Est alias in hoc articulo rerum, ut perbene monet *Dn. Pufendorf de J. N. & G. lib. VIII c. 5.* prudentis Rectoris hactenus querulo vulgi ingenio se attemperare, ut quantum fieri potest, minimo quasi cum sensu & metu tributa colligantur, ne in illum ruat illud *Livii lib. V. de Camillo*, cui collatio ex præda jam divisa animos plebis alienavit: venustum est illud *Alciati emblema: Humano quod plen est corporis: in populi re Hoc Cæsar fiscum dixerat esse suum. Splene aucto reliqui tabescunt corporis artus: Fisco aucto, arguitur Civica pauperies.* Nam ut crescente in corporibus humanis liene, reliqui artus contabescunt; ita fiscum vocat linenem, quod turgente Principis fisco reliqua Civitatis membra marcescant atq; ægrotent. Comtior est *Imp. Ælii Pertinacis sermo*, qui possessionibus Imperatoriis nomen suum inscribi prohibuit, non esse illas dictitans Imperium proprias; Sed communes Romanorum & publicas. *Herodian. l. II. §. 4.* quod haud obscure innuit *Plato Lib. I. de Republ.* Nemo in aliquo principatu imperans, quatenus Princeps est, quod sibi conferat, cogitat, sed quod subiecto conducat, & que dicit,

queq;

queque facit, cuncta ad illius utilitatem decorumq; dicit & facit. Cæterum in imponendis vectigalibus sedulo cavendum esse dicunt docti & prudentes, ne præter fas intendantur, unde solita commercia dissolvi possunt, deportatione mercium in alia loca, ubi mitior horum impositio habetur. Observandum porro, an merces hujusmodi sint perquam necessariæ ad supplendum communitatis usum, & an luxuriam solum instruant; aut ex quarum tractatione non tam vitæ subsidium, quam lucrum exuberat, & alimenta avaritiæ queruntur. Libanius Orat. III. Non omnibus partibus cuncta impertivit Deus; sed munera juxta regiones divisit, ut ad societatem homines opis mutuæ indigentia adduceret, & negotiationes patefecit, ut communem fruitionem eorum, quæ apud quosdam nascuntur, ad omnes proferat. Insuper & id attendendū dicunt Politici ut vectigal maritimum, quod nescio qua ratione longe odiosius sit, quam quod pro terrestri transitu exigitur, moderatè & citra injustitiae cauterium tractetur, cum causæ nūnquam non ab exteris adferri queant, quapropter se ab ista pensione exemptos prætendent, Ad modestiam denique Civium elicien-

liciendam, non absurdum heic fore repe-  
tere illud Tacit. VI. Ann. 8. *Abditos Prin-  
cipis sensus, & si quid occultius parat, ex-  
quirere inlicitum, anceps nec ideo adse-  
quare.* Cedere majori virtutis fama se-  
unda est. prudenter & bene monet Mar-  
tialis. Tributa ultro solvenda sunt, non  
adteno fine, forma & materia, sed solius  
præcepti auctoritate: prout recte afferit  
*D. Ofiander in Grotium Lib. I. p. 411.* Po-  
testas præcipientis, ubi voluntatis suæ de-  
cretum significavit, obligationem subdito  
adfert omnino juxta præceptum suum fa-  
ciendi, et si fors rationes præcepti non ita  
liquido adpareant. Omnia insuper pri-  
vilegia hanc exceptionem habent ni salus  
aut necessitas Reipubl. ista observari vetet.  
Überius super hac re disquisitum vid. ex  
*Dn. Pufendorf. loc. m. cit.* nec eapropter  
quis Medicinam antiquandam duxit, quod  
aconita aliquando misceantur.

### §. XV.

*Ut Persona Politica composita singulo-  
rum vires & facultates ad pacem & securi-  
tatem communem applicare valeat, vo-  
luntas ejus aut per Personam simplicem re-  
presentatur, aut per unicum Concilium,  
prout in illam aut hoc summa rerum col-  
lata*

lata fuerit. Unus augustinissimo huic muneri ubi praest, Civitas cuncta pro placito illius Hominis, quem tamen sanæ rationis compotem existere præsumitur, velle intelligitur, & quidem in peragendis negotiis finem Civitatis concernentibus; non item circa alia; nam utique omnia quæ vult Civitas, vult per voluntatem Regis. Huc alludit illud Euripid. *Supplicib.* Τυδίουντος χρεώς Αδρασον, οὐκέτι γύρεαν τὸν πάσης υπὲ γῆς Δαναΐδῶν ὀκναμότει. i. e. jurare convenit Adraustum, *ū Dominus & Rex existens jurabit nomine universæ terre Danaidum.* Porro quan-  
 docunque aliquis in Societatem adsciscatur, tale pactum aut expresse, aut tacite initur inter Societatem & membrum recipiendum, quod Societas quidem velit huic ratam partem tribuere de bonis, quæ Societati ut tali competunt; membrum vero promittit, quod pro rata parte velit ferre onera quæ ad Societatem, qua talem, servandam faciunt. Ut enim in extruendo ædificio lapis qui propter figuram angularis & asperam plus loci cæteris auffert, quam ipse implet, neque ob materiae duritatem comprimi vel secari facile potest,

nec ædificium compaginari sinit, tanquam  
incommodus abjicitur; ita homines πλεόν  
ven̄t̄, qui per ingenii asperitatem, retentis  
sibi superfluis necessaria aliis adimunt, ne-  
que præ affectuum contumacia corrigi pos-  
sunt, molesti ac intolerabiles existunt. A-  
pud Dionysium Halicarn. l. VII. ita Tri-  
bunus plebis: *Quod ad naturæ non seri-  
ptas nec promulgatas leges attinet, postu-  
lamus P. C. ut plebi non plus nec minus  
juris sit quam vobis.* Magistratus sanè,  
Principatus honoresq; virtute ac fortuna  
inter Vos potioribus deberi fatemur: cœ-  
terum ab injuriis esse liberum, & si quis  
intulerit, in eum jure vindicari omnibus  
in eadem Republ. versantibus ex æquo com-  
mune ducimus. Hæc ille juxta formulam  
regiminis Democratici. Perperam tamen  
hinc mutuam aliquam Regis & populi uni-  
versi subjectionem adseri liquidum ex Gro-  
azio de I. B. & P. l. I, 3. Evidem eo i-  
pso nimis angusta foret regnantium Pote-  
stas; precariò quod obtinernus, id contra  
alterum defendere nobis non licet, unde  
qui hac ratione imperat, impune potest  
contemni: illius Imperium contra firmo-  
stat talo, qui justum illius gerit titulum,  
& tantum semper virium adparatum ex  
nutu

gatu suo pendente habet, quo quosvis  
 immorigeros coercere potest; alias enim  
 turba & confusio orietur, cui evitandæ le-  
 ges potissimum sunt inventæ. Quin de fa-  
 cto nonnullis in locis aliis obseruetur ne-  
 gotiorum ordo, non dubitamus. Posto  
 certo statu, summaratio est, adversus quam  
 non valet disputandi sublimitas. Scite  
*Philip. Melancht.* in *Epit. Phil. Mor.* Sci-  
 endum est dissimiles esse formas Regnorum,  
 & alibi alios esse libertatis gradus. Alio-  
 qui regulariter Lex obligat omnes legis-  
 latori subjectos, in quos ratio legis qua-  
 drat, & ad quos materia legis potest adpli-  
 cari: verum plerique privatorum, ut ma-  
 jor hominum pars cum depravatæ exi-  
 stunt opinionis, consiliorum publicorum  
 & Imperii arcanorum ignari, Imperanti-  
 um actiones, quas penetrare nequeunt, so-  
 lent odisse, unde haud exiguis in Republ.  
 error & incommodum invalecit. Com-  
 mune ait *Tacit.* in *Agrie. parvis magnisque*  
*Civitatibus vitium, ignorantia recti & in-*  
*vidia.* Prudenter præterea monet *Clar.*  
*Dn. Scheffer.* in *Epistola ad auctorem dis-*  
*sert. de Polit. Orbis Asiat. Conservat.* Ha-  
 bet omne propemodum imperium suas qua-  
 dam easq; occultas secretasque armes, quia  
 bue

b<sup>ea</sup> salutem in columitatemq<sup>ue</sup> suam servare,  
 incrementa promovet, pericula incommodo-  
 dare avertit, b<sup>e</sup>t tamdiu artes sunt, quam-  
 diu manent occultae, postquam intelligi co-  
 perunt, vis earum perit. Ast post digressio-  
 nem in viam redeundum est. Quemadmo-  
 dum jam Monarcha vel Senatus quotiens  
 malas leges fert, male jus dicit, ineptos  
 Magistratus constituit, injusta bella mo-  
 vet, non tantum in imprudentia sed & in  
 injustitia dedecore reponi debet, ita illud  
 enor<sup>m</sup>e flagitium parentibus & summa-  
 cum injuria conjunctum, cum pertinax ho-  
 rum contumacia prorumpit in detrectan-  
 dis muniis, quæ spectant ad incolumitatem  
 Status, vel ipsimet ultro in contumeliam  
 Majestatis illiusque delegatorum Ordinum  
 audacter conspirant. Ex hoc ceu fonte  
 exitiale provenit malum, ut subditi haud  
 raro in propria s<sup>a</sup>vierint viscera, & ali-  
 quando non indubia clade ad mutuam  
 sui perniciem certaverint. Otho apud Ta-  
 cit. I. H. c. 83. Si ubi jubeantur, quære-  
 re singulis liceat, pereunte obsequio etiam  
 Imperium intercidit. Et apud eundem  
 maligna laus est militis qui interpretari  
 jussa Ducum malit, quam exequi. II. Hist. 39.

In cœtu hominum plurimi sunt, qui præ cæteris sapere se existimantes præsentem statum fastidiunt, & res novare insti-tuant. Ob diversitatem autem judicio-rum diversi novatores diversis modis no-vant, ex quo distractio Civitatis, & demum *Bellum Civile* oritur, quod *Hobbes in pro-em. Leviath. mortem* adpellat. Subditorum, in dissolvenda Societatis catena, *in-justitiae* quantitatem Apologo inter mem-bra & ventrem instituto ingeniose depin-git *Menenius Agrippa apud Livium II, 32.* Memorabilis illa *Imp. Septim. Severi* vox aduersum audacem nimis & impiam illam filii sui *Bassiani* & consortium conjurati-onem: *Sentit sine tandem Caput impera-re, non pedes. El. Spartian. §. 6.* Equi-dem cum significatum fuerit quid velit Summa Potestas, simulque quid voluntati ipsius parentes boni, renitentes mali ma-neat, necessum est in facultate rationali suboriri metum reverentia temperatum, quo intermisso quantum detrimenti susti-neat Respubl. Historiæ pene ad fastidium exprimunt ac Annales: valetque sæpenu-mero illud *Tacit. I. Ann. 48 in pace cau-sas ac merita spectari, ubi bellum ingruat*

*inno-*

innocentes ac noxios juxta cadere. Etiam propter mutuam læsionem parentium non exiguum à justo posse fieri aberrationem, vel inde collectu facile est, quod inter absoluta hominis officia meritò illi principem deferamus locum: *Ne quis alterum laedat, utque si quod damnum alteri derit, id reparet.* Quin & maximè necessarium idem est, quod citra illud socialis hominum vita, utpote cuius debitum nemo adhuc exhauserit, nisi præstatione aliquujus proficui, adeoque ipsa Resp. nullo modo consistere queat. Qui enim nihil boni in me confert, qui ne vulgaria quidem officia mecum miscet, cum eo tamen tranquillè vivere possum, modo nulla ratione me laedat. Sapienter *Senec. de Ira. lib. II. 31.* Nefas est nocere patriæ, ergo *Civi* quoque; nam hic pars patriæ est. Sanctæ partes sunt, si universum venerabile est. Ergo *S. homini;* nam in majore tibi parte *Civis* est. Quid si nocere velint manus pedibus? manibus oculi? Ut omnia inter se membra consentiunt, quia singula servari totius interest; ira homines singulis parcent, quia ad cœtum geniti sumus. Salva autem esse societas nisi amore & con-

cordia partium non potest. In universum vero probe heic expendi meretur illud Ræcl. Inst. Polit. Lib. V. de Noxa injustitiae hanc ab initio non satis conspicere, dum latet sub praetextu & præscriptione justitiae, & ab eventuum ad se invicem consecutio ne pendet. Nullum ferrum tam deforme tam rubiginosum est, cui inaurato species aliqua conciliari nequit. vid, Proscen. vit. hum. Casp. Ens II. Part. c. 3.

### §. XVI.

De ratione Status, quaerundam Gentium esse ne diutinam quietem agant, passim refert Lucas de Linda in Descript. Orb. & cum illo alii, quod in casibus exceptis ex parte tolerandum arbitror, cum nihilo leciosus ubi æquæ conditiones sperari possunt, actionum proram puppimq; attollant prudentum vel consilia seu industria Principis cuncta vel immediate vel per alios expediendi: etiam illud prudentiaz est præceptum *omnia prius quam armis experiri sapientem decere*; eorum enim qui ad pacem faciunt, major est favor, quam quæ ad bellum, & belli defensivi quam offensivi; ubi citra amicam disceptationem statim ad arma provolatur, ibi locum habet

bet illud Ovid. Trist. V. El. 10. *Injustum rigido jus dicitur Ense vid.* Grot. de I. B. & P. l. II. c. 24. Franc. Lopez. de Gomara. Hist. Occident. c. 95. tradit *incolas insulae Borneo odisse bellum Regesque bellatores*, eo que hos ante primam aciem solent collocare. His omnibus tamen non obstantibus, prudenter utique dicitat, ut non solum contra professam improborum malitiam mature nos muniamus, sed & quæ apud reliquos se se exerit probitatem mutabilem esse cogitemus. *Qui ratione ad meliora traduci non possunt, metu contineantur.* Quintilian. Lib. XII. 7. Novensiles Musas Gemma Pyrrhi includere lubet, ac perfunditorie tantum adtingere aberrationes, quibus *Ignavia* ac *Intemperantia* ceu fœdissimo veneno Rempubl. saepius infici, ac tandem ad incitas extremè redactam iri pro comperto fuit: quod aptiori titulo intra lucem sisti nequit, quam si quis reselectis ambagibus percenseat relata Historiarum & quæ identidem immiscent Moralistæ. *Sardanapalus* Regum Assyriorum ultimus, ob effeminatos mores & luxum Tonosconcleros dictus, ut turpiter & misere hanc adflxit Monarchiam colum & lanam tractant

tractando, adeo molissimo otio inter scor-  
torum gregem transigendo vitam, ut non  
amplius recordatus sit Imperii & cuius  
causa sceptra & fasces acceperit. Memo-  
ria simul dignum est, quod tradit *Stra-  
bo de Successoribus Ptolemaei Everget.*  
ἀποστολες οι μετα τετον Πτολεμαιον ἵστορα  
Τροφῆς Διοφθαρμένοι, καὶ δον ἐπολιτεύοντο:  
Omnes post Ptolemaum III. à luxu corru-  
pti Rempubl. pejus administmrunt: cu-  
jus effati veritatem diligenter adstruit  
*D. Christ. Matth. in Theatr. Histor. p.*  
361. & seqq. Et infra pag. 576. non minus  
abjectam fuisse Reip. curam sub Aurelio  
Commodo, cuius Symbolum Pedetentim  
Paulatim, notat. Hic inquit, omnia per  
Consiliarios suos fraudulentos peragebat.  
In subscribendo ita negligens erat, ut li-  
bellis una forma multis subscriberet. In  
Epistolis autem plurimis Vale tantum  
scriberet. Unde per ipsius negligentiam  
atq; Consiliariorum fraudulentiam ingens  
in Rempubl. damnum exundabat, Add.  
*Herodian. in Commodo*, item alios citante  
*Horat. Tursell. Epit. Hist. p. 74.* Quod  
amplissimæ Orientis vires Ottomannicæ  
servitutis jugo jam post tot annorum de-

eursum premantur, aliud quid magis in culpa fuisse vix reperio, quam illam enervem aliquot Cæsarum mollitiem, ac ignavissimè traductam imperandi rationē, quæ ad supremum prolapsa omne illud imperium sub Constantino Palæologo exspire fecit. Quando Princeps bellicoſo Principi succedit, ipſe iners, libidinosus & ebriosus, ille tum à ſubditis ſuis, tum ab exteris facile contemnitur, & periculis variis exponitur. Illuſtre exemplum Ptolemæi Philopatoris, cuius Regis ignaviam omnis ſecuta regio; de quo prolixe Polyb. 6. Glo- riosius regnum eſt in coercendis libidinibus, quam in Republ. gubernanda. Nec in bello Imperantium hæc torpedo minus enormitatis habet, cum teste Tacit. IV. Hist. 69. Sumi quidem poſſit bellum ab ignavis, strenuiffimi tamen cuiusque periculo geri. Lege quæ narrat Herodot. Polymn. de Mardonio Xerxis confiliario, quem citra vitium adpellare licet egregium affentatoris aulici exemplari. Principes certe curare debent, ne lateat, quo animo ſint, qui bella conſtituant, ut illos tanquam ſubleffores & inſidiatores tem-

por-

porum obseruent & caveant. Plaut: Mo-  
bill. Act. 2. c. 1. Nam miserum est opus,  
tunc demum fodere puteum, ubi sitis fau-  
ces tenet. Insignis est locus Cl. Horneii  
Doctr. Civil. lib. IV. cap. 4. Certe  
post homines natos, ut gens aliqua p̄a  
ceteris extitit justa, continens, fru-  
galis, fortis; ita fines suos non tantum  
tutata est facile; sed promovit insuper, &  
bis universi imperium s̄apenumero sibi pa-  
ravit: contra vero si quae in luxum &  
ignaviam se transdaret, & injustitiam se-  
ctaretur, convelli paulatim c̄pit, donec  
plane periret, & quae longe lateque ante  
dominata fuerat, turpissimam servitutem  
subiret. Dion Cassius in Augusto. §. 15.  
Omnium Rerum publicarum pestes anti-  
quissimæ, Inopia & Inertia. Cum oti-  
um perniciosissima res sit, antidotum  
ejus, labor videlicet, commendatur;  
Quod veterum quidam, nescio quis, innu-  
ere voluit ubi dicit: Virtutis ramos fu-  
dore ac labore produci. Ast dudum me-  
minisse oportuit instituti, remeando ad  
portum

portum Alitophili, ubi in procinctu a-  
volandi ad superos, Astræa prope Reg-  
nantium aram dimisisse apographum vi-  
sa est:

- - - - *Ubi non est Pudor  
Nec cura Juris, Sanctitas, Pietas,  
Fides,  
Instabile regnum est. Senec. Thyestes.*

DEO LAUS, HONOR ET GLORIA  
NUNQVAM TERMINANDA!

